

Nunavut Tunngavikut Tungavik

ELIHAKPAALIGAHOAGOTIGHAKOT EKAYOOTIGHAMUT MALIGAGHAK

*Naamagiplogo anggiktaat NTI-koT Katimayiinita Aktopa 23-mi 2017-gotillogo
Tamaita ehoaghaoktaohimayut eliplogit pihimayut June 13-mot, 2018-mi*

1. IMAILINGGAKMAT

Maligaghak atoktaghaoyuk naonaikhimajotighak havitinighamot Elihakpaaliothighanut Ekayootighanik okagiikhimakmat maligaghami omoona Nunavut Tunngavikut Tungavik Foundation (ona "Tungavikgonigaktaoyuk").

2. ATANNIKTOIYUT

Elihakpaaligahoagotighakot Ekayootighak havaaginiaktaat Tungavitkoligiyit pikatigilogit NTI-kot havaakaktonik Inuinnaknut ekayogahoaktut holiyaghatigut. Aanait Piyaghaligiyit havaakakhoni Atanniktogaoyuk atanggoyaannit.

3. EKAYOOTAOYOGHAKOT ATOKTAGHAT

3.1 Oktoinnagiakaktut Ekayootighamik Piyomalotik

Kinalikaa Inuinnaotoagomi titikaniikataolonilo Nunavunmik Nunataagotaoyokot Anggikatigiigonmi piyomaloni ekayootighamik Elihakpaaligahoagomalonit atoktaghamik. Kanok okiokagaloakloni koyaginnaomayuk. Oktoinagialik.

Piyomayut haffomingga elihagiakpaaliothighamik ekayootaoyoghamik oktoinnagiakaktut toghiklotik nalaomatiakat atoktaghanik ekayootighap mighaanut

Elihaktut nakoatut maniiit ekayotighak atoniklokkomiko, itkoomanggittomiklo okakhimayut omongga Tungavik ovaloniit naonaitagotighanik okanggitkomi tamainnik naotiktoktaoloni ehomagiyaoniaktuk taimaahikhimayokakat ekayootighanik pipkaktaolimaitut.

3.2 Kanogittut Ekayotighat, Piyongnaktonut Atoktghat kanoklo Aktiginiakmagaat Manik

Tungavik tonihivakniaktut hapkoningga elihakpaaliknighamut ekayootighanik aipaagotoagaikpat (Januali 1-mit Kolaisimavikmut 31-mot):

- (a) Tunngavik Ekayootighak Elihaktivkyoanut elihaktoghanut (ona "Tunngavik Elihaktivkyoanut elihaotaoyoghak")

\$2,500-taalamik kinalikaa piyomayonut immakaa 200-goklotikloonit elihagahoaktut;

- (1) *Elihaotighatigut atoktghat ayoikpaaliotaoniaktut kolvakpaaliotaolotiklo elihakhimanigitigut,*
- (2) *Eniktittiahimaniitigut elitagiyaojotighat malgoolotik okiok elihaotighaknighait avatkollogikloniit,*
- (3) *Elihaktivkyoanut opalonggaigiikhimayut elihaotighainut tahapkoa okiok atoktillogik ovaloniit ataohikmut pivaaliklogit, imaa elihakpaaligahoaktut*

opalonggaigiikhimaligiagani kolvakpaaliothighanut pivalianahoagiagani elihakpaalikloni.

Elitagimalogit ayonggitjohiit elihakvikyoani elihaktut eniktigijotait ehomagiyaoLotik. (tamatkiklogit elihaktaakhimaliktait akiligiikhimaliktailo pikahiotihimalogits).

- (b) Tunngavik Elihakpaalinighakot Ekayootighak Ayoighattiagotaoloni Havaaghakhioknighamollo togaagayuk pivaaliotaonahoaktoghak (ona "Tunngavik Pivaaliotaonahoaktoghak Ekayootighak")

\$1,000-taala pihimaniaktuk ataohikmut oktptomut 250-nik elihagahoaktonik elitagimayaotiaktuk elihaagovaktuk havaagiyomayamingnik ayoighajotigilogo pivaaliotiginiaktaat aolanighaa tatkighiot naatlogo pihimaniaktuk (hapkoningga havaaghanut G.R.E.A.T, etc.) ovaloniit kolvakpaaliothighanoaklogo (immakaa A.B.E, P.A.S.S. G.E.D, Tunngavik okiomot atoklogo).

Tunngavik pihimayaktuk hivolikhootigilogo ehomaghakhiothigilogolo atokniakmagaat elihakvikyoani elihaagovaktuk, havaagiyomayonut elihaotaoloni.

3.3 Maniknik Atogongnaktut

Ekayoohiagotighak hapkonongga togaaganiaktuk atoklogo:

- a) Elihaktitiyighamut,
- b) Ahiinutlo akigiaktanut,
- c) Makpigaanut, titikanollo elihaotighanollo,
- d) Aolaagotaolonilo Nayogghainollo,
- e) Niovgotigilogolo ehagiitkotighamiknik, nayoktamiknut akigilogo, nutakikiyinollo, nikighaotigivaklogolo, ovalo
- f) Elihaktut Atogaiyaotigilogoloniit.

4. TOGHIGAOTIGHAT

4.1 Toghigongnaktuk Kakogo

Oktogomayonut tohikvighak aolaniaktuk Ekayootighamik piyomaloni Julai 1-mit Akasi 31-mot okiok tamaat (Januali 1-mit Kolaisimakvikmi 31-mot), imaaon a "hivoliit pilgaaktitaovaklotik. Toghioaoyut namatiakata eliktittiakhimplotiklo ehomagikpago aolatiyoyop eliniaktaat hanakiyaoligiagani. Aolatiyoyuk othikvighak aolanighaa oigoinnagiakakmiyaa taimailiogomagomi.

2018-mi pihimayut, piyaoniaktut oblaami 8:30-gongkat havaknaktillogo Jannualimi.

4.2 Titikat Toghioaoyut

Toghiothit titigakhimayaakaniaktut imaatut okakhimalotik titigakhimalogitlo tamaita naonaitiagotighat:

- a) Atia toghiktup, NTI-konnilo piannata naahaotaa;

- b) Nayogat homi, toghakvighaklo nammaa toghiktop;
- c) Atialo sikookvigiyakit/elihaktatillo/ayoighayatillo haklovioknaitogihamiklo sikookpakmagaakpit (immakaa, titikamik titigakhimayomiklo elaojotigiyaknik talvani titikanikloniit kinggolikmik elihagiakhimaniknik);
- d) Social Insurance Naahaotaa toghiktop haklovioknaigotaoyoghak itkaptaaksiligotinut; ovalo
- e) Alaniklo nakoantookhimayonik naonaigotighanik Aolapkaiyoyop kakonggogaikpat piyomakatakniaktait.

Toghigaotaoyut pipkainnagialgit aolaktilligit titigakakviktigut, kayomiktokut titigaktitaomit, kagitaoyakollo ilingnikloniit aggitilogo NTI-kot titigakvianut ovaloniit nunakni NTI-kot tohaomatitiiita titigakvianut.

Hapkonggaligiya piyomaniagonakhuyuk naonaigotighanik piinagiakagiagani elihakhimmaagomayomit toniyaohimayok elihakvikyoamut Ekayootighamik aipaanik maniknik toniyaofaaktinnago omingga \$1250-talamik okiomi elihafaalikkata atoktaghaanik.

5. TIGOHINIK OKTOFAAKNIKLO

5.1 Aolapkaiyuk

Aolapkaiyuk elitaghiniaktuk tamainnik toghiktonik Ekayootighamik tonihilotiklo titikanik toghiotaoyoghanik Tigohiyit Katimayigalaangginut.

Tigohiyit Katimayigalaangginut takoogitaagomik naamagilogolo anggikniaktait toghiotaoyoyut, Aolapkaiyi titigakniaktuk tamainnut toghiktonut okaotilogit anggiktaoyot, tonihitkoilonilo maningnik ekayootighanik toghiktonut. Anggiktaoyonut toghiotinik, maniiit eliyaoniaktut atoniiklogit malgootilogik: Aktopa 30-mit Jannuali 31-mot okiomi nutaami.

Aolapkaiyuktitigakniaktuk anggiktaonggitonut toghikhimayoogaloanut, naonaigotighaniklo piloni oktoffaaniagnagiakaohighaanik.

5.2 Tigohiyit Katimayigalaagit

Tigohiyit Katimayigalaagit piyaoniaktut katimayigalaagoyoghat hapkoa tikkoaktaohimayut Tungavimit. Katimayigalaat miitikatakpakniaktut toghiotaoyonik takoogivagiamingni anggikpaklogillo Maligaghak atoklogo. Katimayigalaat piyomaniagonakhikmiyut naonaikpaaliootighanik toghiktomit.

5.3 Oktoffaaknik

Oktoffaaknighakot Katimayigalaat piyaoniakmiyut katimayigalaagoyoghat tikkoaktaolotik Tungavimit. Katimayigalaat miitikatakpakniaktut takooginahoaklotik oktoffaagotaoyonik. Okoa Katimayigalaat ehomaliogotigiyait enigotaovakniaktut.

6. NAOTIKTOINIK

Ekayootighanik pipkaktaohimayot toghikvioniagonakhikmiyut haklovioknaigotigiyaghamingnik elihaagiyamingnikeniktigotigiyainnik toghikhimayomit. Elihaknighaminiiit eniktiginggitonik tonihinggikomikloniit maniiit ekayootighat pihimayani akiliffaagiakakniaktait elainnagaloaganik tamatiklogoloonit akiligiakakniaktaa oma Aolapkayit taimaa ehomaliototigikpago.

7. TAMAAT

7.1 Tohakataotinighakot Opalongoaikhimayut

Pittiakhimayaagani ehoaktomik tamainnut Inuinnaknut Nunavunmiotat piinnagiakaotighainollo Nunavut hilataani nunakaliktonut, Tungavik tamatkiklogit naonaigotighat hakyaihpakniaktait Elihakpaaliootighatigot

Ekayootighak nunalaanut tamatkiotinahoaklotik homilikaa nunakaktonut Inuinnait. Oma kolaani titigakhimayut takoghaoniaktut immakaa NTI-kot makpigaagotainni nutaanikloniit tohagaghaliokhimayainni, titikanik, kagitaoyakolloniit, Facebook-milo naalaotitigollo tohaknakhilogit.

7.2 Inmigut Naonaigotighat Takoyaghanggoklogillo

Naonaigotaoyoghat ekayootighanik pipkaktaohimayonit kanoklo aktigiyomik maniknik toniyaohimangmagaagit pihimaniaktut imaatut (hapkoa atiiit toghikhimayut) takoyaghanggoktaoniaktut NTI-kot Tungavikmiloniit Kagitaoyatigut kanoklo takoyaghanggoktaohimayotigut. Kihimi tamaita inmigut naonaigotigha toghikhimayomit (immakaa, homi nayogakakmagaata tohakvighamiklo) hapkoa kitonotlikaa takopkaktaolimaitut anggiagiyaoniakmata tatkaanikmionut elittogipkaktaolimaitut. Titikaniitut tamaita toniyaohimayut ekayootighanik okakhimayut maliklogit Maligaghami totkoomayaoniaktut kakogo naonaigotigifaaktaghatik pihimalogit.

7.3 Kakonggogaikpat Naonaiyainik

Ekayootighanik Elihakpaaliknighakot okakhimayuk Maligaghami takooktaofaakpakniaktut okiok malgok atoktaagaikpanik okoa Katimayit ehomaliogotigihimakmajuk.